

OPĆINA ILIDŽA

Općinski načelnik

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", br. 7/05) i člana 55. Statuta Općine Ilidža ("Službene novine Kantona Sarajevo", br. 5/98), načelnik Općine Ilidža, dana 15. maja 2012. godine, verificovao je i donio

ODLUKU

O KOREKCIJI IZMJENA I DOPUNA REGULACIONOG
PLANA "STARI STUP"

Član 1.

Usvaja se korekcija Izmjena i dopuna Regulacionog plana "Stari Stup" (u daljem tekstu: korekcija Plana).

Član 2.

Korekcija plana, se odnosi na usklađivanje planiranih građevinskih parcela sa vlasničkim stanjem, a odnosi se na parcele k.č. 2235/3, 2235/1, 2235/108, 2235/43, 2235/22, 2235/29, 2235/38, 2235/28, 2235/106, 2235/37, 2235/105, KO Gornji Butmir ZK, stari premjer, ili k.č. 906, 907, 908, 909, 910/3, 911/1, 911/2, 913/1, 913/2, 912, 914, 915, 916, 917/2. KO Stup, novi premjer.

Novoplanirane građevinske parcele prema Izmjenama i dopunama Regulacionog plana "Stari Stup" označene brojevima 132 i 133, koriguju se u građevinske parcele označene brojevima 132, 133, 134, 135, 136, 137 i 138.

Za potrebe arhitektonsko-oblikovnog rješenja moguće je povezivanje dijelova objekta na zadatim građevinskim parcelama br. 135 i br. 136 na mjestu gdje je najmanje rastojanje između građevinske linije, i to uz Ulicu Nikole Šopa i Bulevar Meše Selimovića. Broj podzemnih etaža na parcelama koje su

obuhvaćene korekcijom, nije ograničen, a izgrađeni prostor pod zemljom može se razviti na čitavoj vlasničkoj parceli, dok je udaljenost građevinske linije podruma u odnosu na susjednu parcelu minimalno 1,0 m zbog mogućnosti realizacije zaštitne građevinske jame.

Član 3.

Korekcija Plana sastoji se iz tekstualnog dijela i 2 grafička priloga koji su predmet korekcije.

Tekstualni dio i grafički prilozi korekcije Plana su sastavni dio Izmjena i dopuna Regulacionog plana "Stari Stup" ("Službene novine Kantona Sarajevo", broj 29/06).

Član 4.

Korekcija Plana je radena za faze urbanizma i saobraćaja, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Stari Stup", te pribavi saglasnosti nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Ilidža, Zavoda za planiranje razvoja Kantona Sarajevo i Ministarstva prostornog uređenja i komunalnih poslova Kantona Sarajevo.

Član 6.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 06-530/12
15. maja 2012. godine
Ilidža

Načelnik Općine Ilidža
Senaid Memić, s. r.



